

REGLUGERÐ

um heimilishjálp í Hafnarhreppi.

1. gr.

Félagsmálanefnd Hafnarhrepps fer með stjórn heimilishjálpar í Hafnarhreppi í umboði hreppsnefndar Hafnarhrepps.

2. gr.

Hlutverk heimilishjálpar er:

1. Að veita hjálp á heimilum um stundarsakir þegar þess er þörf vegna sjúkdóms eða af öðrum ástæðum, sem metnar eru gildar sbr. lög nr. 10/1952.
2. Að veita hjálp vegna veikinda barns eða fullorðinna, er þeir sem veita heimilinu forstöðu eru bundnir af atvinnu utan heimilis og skulu aðstæður metnar hverju sinni sbr. lög nr. 10/1952.
3. Að veita ellilífeyrisþegum aðstoð og umönnun, þegar þeir, vegna veikinda eða af öðrum ástæðum geta ekki séð um sig sjálfir og þarfnast aðstoðar til þess að geta dvalið í heimahúsum sbr. lög nr. 10/1952 og reglugerð um heimilisþjónustu fyrir aldraða nr. 114/1971.
4. Aðstoð við öryrkja og fatlaða sem búa einir og aðstoð við foreldra með fötluð börn.
5. Önnur tilfelli sem metin eru hverju sinni.

3. gr.

Félagsmálanefnd Hafnarhrepps ákveður hvert form skuli vera á umsóknum um heimilisþjónustu.

4. gr.

Félagsmálanefndinni ber að ganga úr skugga um að starfslið sem heimilishjálp stundar á hennar vegum sé hæft til starfsins og skal gefa því kost á að sækja námskeið til að auka þekkingu sína og hæfni til starfans.

5. gr.

Hreppsnefnd Hafnarhrepps ákveður launakjör starfsfólks heimilishjálparinnar. Starfsmönnum er óheimilt að taka við greiðslum eða gjöfum frá þeim, sem þeir veita aðstoð.

Starfsmenn gæta fyllstu þagmælsku um það sem þeir fá vitneskju um í starfi sínu.

6. gr.

Fyrir heimilishjálp og heimilisþjónustu skal greitt eftir gjaldskrá er hreppsnefnd setur að fengnum tillögum frá samstarfsnefndinni. Þeir aldraðir, sem ekki hafa aðrar tekjur en ellilífeyri skulu undanþegnir greiðsluskyldu. Félagsmálanefnd er heimilt að fengnu samþykki hreppsnefndar að gefa eftir hluta af greiðslu fyrir veitta heimilishjálp eða fella niður greiðslur þegar sérstakar ástæður eru til slíkrar ívilnunar.

7. gr.

Sveitarsjóður Hafnarhrepps ber ekki fjárhagslega ábyrgð á tjóni sem starfsfólk það, er vinnur á vegum heimilishjálparinnar kann að valda við störf sín umfram það sem bætt er af sérstakri ábyrgðartryggingu sem heimilishjálpin kaupir.

8. gr.

Skrifstofa Hafnarhrepps annast reikningsskil og fjárreiður heimilishjálparinnar og skulu reikningar endurskoðaðir árlega með sama hætti og reikningar Hafnarhrepps.

Reglugerð þessi sem hreppsnefnd Hafnarhrepps í Austur-Skaftafellssýslu hefur samið og samþykkt staðfestist hér með samkvæmt lögum nr. 10 25. janúar 1952 um heimilishjálpi í viðlögum til þess að öðlast gildi þegar í stað. Jafnframt er úr gildi felld reglugerð nr. 653 um heimilishjálpi í Hafnarhreppi frá 30. október 1981.

Félagsmálaráðuneytið, 16. desember 1983.

F. h. r.

Hallgrímur Dalberg.

Hólmfríður Snæbjörnsdóttir.

AUGLÝSING

um staðfestingu á breytingu á aðalskipulagi Reykjavíkur.

Samkvæmt skipulagslögum nr. 19 21. maí 1964 hefur ráðuneytið hinn 12. desember 1983 staðfest breytingu á áður staðfestu aðalskipulagi Reykjavíkurborgar að því er tekur til landnotkunar á staðgreinireit nr. 1. 7. 3. 1. þ. e. sunnan Hamrahlíðar og vestan Stigahlíðar í Reykjavík þannig að áður ráðgert stofnana- og útivistarsvæði verði að hluta íbúðasvæði.

Félagsmálaráðuneytið, 14. desember 1983.

F. h. r.

Hallgrímur Dalberg.

Hólmfríður Snæbjörnsdóttir.

AUGLÝSING

um staðfestingu á breyttu deiliskipulagi Norður-Seláss í Reykjavík.

Samkvæmt 19. gr. skipulagslaga nr. 19/1964 hefur skipulagsstjórn ríkisins þann 7. desember 1983 staðfest breytingu á áður staðfestu deiliskipulagi Norður-Seláss.

Deiliskipulag fyrir Árbæ-Selás sem staðfest var af félagsmálaráðuneytinu 21. ágúst 1970 er jafnframt felld úr gildi að því er tekur til Norður-Seláss.

Félagsmálaráðuneytið, 15. desember 1983.

F. h. r.

Hallgrímur Dalberg.

Hólmfríður Snæbjörnsdóttir.